

太師王端毅公奏議

太師王端毅公奏議卷之十

吏部

乞恩休致奏狀

臣見年七十五歲陝西西安府耀州三原縣人由進士改庶吉士正統十四年十二月十三日除大理寺左寺左評事景泰三年四月十二日陞署左寺副事本年五月初二日實授景泰五年十二月初二日陞直隸揚州府知府天順四年九月初七日陞江西布政司右布政使天順八年三月二十二日陞河南布政司左布政使成化元年三月初

六日陞都察院右副都御史仍支從二品俸奉

勅撫治南陽襄陽荊州三府流民本年八月二十

二日奉 欽依奔母喪成化三年二月十六日以

平賊功陞本院左副都御史奉 勅巡撫河南成

化四年二月十七日陞南京刑部左侍郎成化五

年二月十一日聞父喪守制起復成化七年十月

十一日改刑部左侍郎奉 勅總理河道成化九

年四月十二日改南京戶部左侍郎成化十二年

八月初三日改都察院左副都御史奉 勅巡撫

雲南成化十三年三月十二日通歷副都御史并

侍郎俸九年考滿本年四月初五日陞本院右都
御史仍前巡撫本年八月二十三日改南京都察
院右都御史奉 勅叅贊機務成化十四年三月
初八日陞南京兵部尚書仍前叅贊機務成化十
五年正月十九日改兵部尚書兼都察院左副都
御史奉 勅巡撫南直隸蘇松等處地方兼總理
糧儲成化十六年三月初七日三年考滿復職成
化十九年二月初七日六年考滿復職成化二十
年四月二十七日改南京兵部尚書仍前叅贊機
務成化二十二年正月初七日九年考滿未滿之

前 欽蒙加太子少保照舊管事本年九月初一日致仕成化二十三年十月二十三日奉

勅起取本年十一月初十日改吏部尚書本年十二月二十九日到任當日 欽蒙加陞太子太保

弘治元年正月初一日支從一品俸起中間罰俸一箇月扣至弘治三年十月三十日止連閏實歷任三十六箇月三年考滿伏思 臣向蒙

聖恩起於西歸之餘擢居東曹之首就令隕首捐軀焉能報塞萬一第 臣委實衰老動履艱辛昏愚尤甚於前時議論無補於治道茲當三載考滿之

已過七十致仕之年例該退休理宜自陳伏望
聖恩憐憫賜臣致仕另任賢能庶歸骸骨于故鄉
無曠銓衡之重寄非獨臣一己之便實天下庶官
之幸也臣無任激切悚息之至弘治三年十一月初六日具奏次日奉

聖旨卿年雖老精力未衰宜復職管事不允退休
欽此

乞恩休致奏狀

臣本寒族叨由科目釋褐而拜評事歷陞太子少
保南京兵部尚書叅贊機務自惟稟賦庸愚學術

淺陋志雖好古才不逮人自入仕以來凡遇事之
可行者不計成敗而行之可言者不顧利害而言
之惟欲罄竭愚衷以圖報稱而已成化二十二年
偶因陳言荷蒙

先帝聖恩致仕還鄉待盡田里已絕鴻鵠之志遂
與麋鹿爲群二十三年恭遇

聖上嗣承大統特降 璽書起 至京 命以吏

部尚書到任管事既又加以太子太保臣自謂年

已衰老奚堪重託連章懇辭俱蒙 溫詔諭令就

職視事自是以來惟恐脩職無效有孤

聖恩是以兢兢業業日慎一日不敢廢事而請老
之章亦未嘗不上俱不蒙 俞允近因三年考滿
又經上章乞休復蒙

聖恩令其復職管事今未及一月而

上天以彗星示警蓋是 臣衰老無術叨享厚祿不

能盡職之所致况 臣於羣臣之中年最老貌最衰

理當先退以應 天變伏望

陛下賜 臣致仕另擇有才德者而任用之使之貞

百度之未貞和二氣之未和庶幾人心悅

天變消而休徵至矣 臣無任激切悚息之至弘治

三年十二月十一日具奏十三日奉

聖旨朕起卿掌銓選委任方隆豈可屢以年老求退所辭不允吏部知道欽此

議給事中韓鼎等脩人事以消天變奏狀
考功清吏司案呈奉本部送禮科抄出禮科等科
左給事中等官韓鼎等題云云等因各具題俱節
該奉

此後布
商直可誦

聖旨該衙門看了來說欽此欽遵抄出送司除成
山伯王鏞等係職掌兵政官員兵部另行外案呈
到部臣等看得工部左侍郎陳政給事中言其結

交左道邪人李孜省而濫陞御史言其結構憸邪
黃緣陞職訪得本官無曠厥職太僕寺少卿王祿
給事中言其穢行彰聞士夫耻談御史言其結交
憸邪黃緣陞職本官人多鄙薄通政司掌司事工
部右侍郎謝宇給事中言其出身雜流操行不謹
御史不曾言及本官詞翰可觀太常寺掌寺事禮
部左侍郎丁永中給事中言其發身黃冠貪淫無
耻御史言其結構憸邪黃緣陞職本官熟於典禮
南京戶部尚書黃紱給事中言其昏耗庸劣衰朽
廢事御史不曾言及本官素有執守南京工部尚

書劄宣御史言其出處欠端貪聲日著給事中不
言言及本官有治事才南京刑部右侍郎給
事中言其不學無術訊獄不明御史言其貪名傳
播於天下奔競騰沸於兩京本官人多南京
都察院左副都御史李益給事中言其驕鄙無文
風憲失體御史言其言言每發於都臺驕狂著聞
於各省本官戇直無偽南京大理寺卿吳道宏給
事中言其庸碌無補善與惡不彰御史言其庸碌委
靡本官人多輕眇巡撫河南右副都御史錢鉞給
事中言其累經彈劾忍耻在位本官雖有小失才

猶可用若置之閑散則可惜仍令巡撫則難爲折
江右布政吳繹恐山西右布政金純給事中言其
素行不謹御史言其財富濶於私家公事廢於一
省河南按察使楊徽給事中言其貪聲大著御史
言其紀綱有玷清譽無聞此數人者人多議論福
建布政使陳賓給事中言其老懦無爲御史言其
衰老無爲貴州按察使張廉給事中言其罷輒廢
事御史言其憲度不振此二人者頗能守己臣等
嘗聞子思曰聖人之官人猶匠之用木也取其所
長棄其所短故杞梓連抱而有數尺之朽良工不

各官之賢否科道言之如彼臣等安議如此舉不能逃乎

聖明洞鑒之下伏乞 聖裁又言其餘兩京堂上三品以上官并在外巡撫官年老廢事者許其自陳休致查得近爲致政彌災事節該奉

聖旨朝廷進退大臣自有公論以後各官不必紛擾自陳欽此所據許其自陳休致一節難以再行及查得先該河南缺巡撫都御史本部會官推舉得太僕寺卿王齊南京光祿寺卿章格俱堪任等因具題節該奉

聖旨巡撫山東右僉都御史錢鉞陞本院右副都御史著巡撫河南王齊陞都察院左僉都御史巡撫山東欽此又該內官監太監李廣題稱脩築城垣河橋工完要將把總匠作人等尚禮等量加俸級本部查照修理蘆溝河隄岸工完事理覆奏以爲難以加俸只可照例量加賞賜等因具題節該奉

聖旨冠帶把總尚禮王友道王豬兒杜鑑羅祥與做軍器局副使王福董瓚耿福汪寬朱顯都與冠帶欽此本部又題乞收回前旨等因題奉

聖旨尚禮等既陞職冠帶了罷欽此本部又題若
以爲已陞了不可改亦望

聖明留意今後內外官員但有似此爲人奏討陞
官有壞名器者許科道官叅奏拏問等因題奉

聖旨這以後事朕自有處置欽此今給事中又稱
近年以來乞恩傳奉者復行又有以啓奔競之
門要行痛加禁止一節蓋爲尚禮等而言合無今
後如有此等爲人乞恩奏討陞官及自己妄比
事例乞恩奏要陞職者許科道糾劾治罪御史
又言要將錢鉞尚禮等盡數革退一節若依所言

將尚禮等革退則弊源既塞奔競自息名器正而治功成矣緣奉 欽依該衙門看了來說事理未敢擅便弘治三年十二月十七日具題本月二十一日奉

聖旨陳政王祿黃紱謝宇

李益錢鉞陳賓張

廉劉宣都留著辦事其餘著致仕尚禮等罷欽此
議給事中韓鼎陳言奏狀

文選清吏司案呈奉本部送禮科抄出禮科左給事中韓鼎題云云等因具題奉

聖旨該衙門知道欽此欽遵抄出送司查得諸司

職掌六科額設都左右給事中員數與本官所言
相同正統十年九月內欽奉

英宗皇帝聖旨今後給事中選揀行止端莊人物
豐偉語言正當才識優長的除授欽此欽遵其後
給事中有缺或在大選或急選除授都左右給事
中有缺或就陞補或停缺待補其事不一又查舊
例各科都左右給事中缺至五六員之上本部於
各科見任給事中內推選年深者疏名奏

請取自 上裁及查得成化三年二月內該吏科
都給事中沈珪題各科缺給事中乞 勅吏部將